

【國家社會科學基金重大項目】

何建明 主編

中國地方志
佛道教文獻匯纂

寺觀卷

(30)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（30）




國家圖書館出版社

中國地方志佛道教文獻匯纂·寺觀卷
河北省 邯鄲市

廣平府志

清·吳穀纂修

清乾隆二年（一七三七）修
十年（一七四五）刻本



廣平府志卷之九

烏程吳穀輯

寺觀

自象教興而舉世竭物力以奉之五季以來迄於元明琳宮梵宇日益增盛

國家崇儒術斥異端凡菴觀寺院創建者有禁至前代遺構則存而不論以見王政之大無所不容廣郡城廂郊垆紺碧相望選佛之場棲真之宅士大夫休沐餘閒亦可寄賞塵外何必曰廬其居哉誌寺觀

永年縣

廣平府志

卷九

保慶寺在縣治東南

唐司空曙經保慶寺詩黃葉前朝寺無僧寒殿開池晴龜出曝松鵝鶴飛回古

砌碑橫草陰廊畫雜苔禪宮亦銷歇塵世轉堪哀

泉亭寺在臨洛鎮西南五里內有蓮池中建小閣相傳爲趙

王香火院古井尚存

明白南金春日遊泉亭寺詩業障蹉跎老此生何期今至化人城臨池定

水魚遊動過嶺慈雲鳥帶橫大地聲傳僧磬響諸天影借佛燈明自從蒲塞參禪後覺路先開第一程李若莎泉亭寺雜詩六首之二新泉三尺淺小市一灣通荷動珠難碎魚來水漸紅幽花香挹露熟果氣隨風社鼓雲中響兒童視歲豐雜卉初無譜方言強命名風林依鳥宿山水逐門平日烈瓜先實亭深草易生前途歸馬熟自覺去來輕

清流寺在縣西北四十里

大名寺在縣西北二十八里巨冢雄立潭水環注亦勝槩也

清涼寺在縣南三十里

天寧寺在縣西孔村

千佛寺在臨洛鎮北洛河岸上

古巖寺在縣西十五里大辛莊

普會寺在縣東北夏堡村

北河寺在縣北四十里

鐵佛寺在南關相傳鐵像是大水浮來者

趙目連寺在縣西北二十里相傳有僧號目連葬於此

大慈寺在縣西大慈村

大定寺在縣東陳兒寨

蓮臺寺在縣南韓兒寨

開元寺一在縣西南田兒寨一在縣西北榆柳村

福聖寺在縣西瓜井村

保全寺在縣西北尹固村

洪榮寺在縣西北劉營村

河北寺在縣北朱家莊

順國寺在縣北七方村

清佛寺在縣西北鄭西村

普應寺在縣北曲陌村

龍泉寺在縣西龍泉村

石佛寺在縣南牛家堡

興國寺一在縣高固村一在縣井兒寨

華嚴寺在縣圈子村

準提菴一在縣治東北一在南門外

白衣菴一在北城下明崇禎間知府程世昌建一在城東南

隅

永錫菴在縣東

蓮花菴在東關外舊名甘露菴

三清觀在西襄城

清都觀在縣西蘇村唐時建元延祐間鄂國公重修明萬曆

間增修

明李春蔓記永邑西蘇村距臨洛半舍有清都觀是爲東嶽行宮西襟隱山南帶溢水北環洛沙故

廣平府志

卷九

三

勝地也人言棟宇創自隋唐雖誌記無徵然而先世相傳或亦有據按故額識元延祐六年鄂國公重修迄今又三百年矣代遠人湮廟貌如故蒼松古柏蔽芾雲霄斷礎殘碑剝蝕風雨吊古者每爲之俯仰歎歎云逮我明嘉靖五十年曾經修葺正殿原制三間始廣爲五前增大廈及重門兩旁建十王殿西立廣生祠獨後殿闕焉未舉本鄉李應禎等捐貲協助營建後殿五間塑碧霞元君諸像金碧煥煌丹青掩映東西兩翼舊有道院三區頗傾圯茲并新之中修靜室外綜以垣爲涵爲庖無一不具特舉黃冠有道行者主香火事廟田數畝土厚泉甘足供蔬素之費是役也經始於萬曆二十六年至四十二年始告成事囑備矣美矣神詣而人謹矣謂不紀曷以垂永乃敬書之以誌歲月云

玉皇閣在城北堤內

真武廟一在縣治西一在北甕城

東嶽廟一在東甕城一在城南八里

九天聖母廟在縣治東北明崇禎十三年順廣道副使張秉

貞建

碧霞元君廟一在東關一在北關外

天王廟在北城上

呂仙祠一在南橋一在縣東二十里河莊

曲周縣

保寧寺一在縣治西北

方吹九日登保寧寺藏經閣詩西風吹冷菊花香載酒登臺傍夕陽衆鳥

高低連野樹孤烟輕重鎖寒塘僧閒留客烹芳茗月一在

白灘店村

聖安寺在縣東聖福堂村

寶平寺

卷九

寺觀

四

廣平府志

卷九

四

龍堂寺在縣東北焦兒莊

石佛寺一在縣東南五塔村一在縣西五間房

大明寺在縣東王目村

興福寺在縣東水德堡

天寧寺在縣北河南墮

宋歐記畧曲邑邊北河南墮者六堡之一也舊有天寧寺不知始自何代

有斷碣埋土中掘得之見其誌爲洛州平鄉下里平之緣於洛蓋在唐世云宋元以來無可考父耆相傳明時有直指使毀所按佛寺此寺亦在毀中獨燃燈佛像衆力挽之不能仆咸詫以爲神堡人趙堂葺茅屋以庇之嗣是歲大其殿宇翼以鐘樓輔以配殿峙以山門規模廓如也後數十年漸廢壞有趙公宗信僧人淨元倡化里人煥其舊而新之更置水陸殿莊金像勒碑銘至明季戊寅辰巳間大兵之後繼以凶年住持散亡香火爲之斷絕垣頽堦圯鳥鼠啄剝牛羊來牧見者心惻而且不逞之徒蔽匿其中日夜行劫戊子秋冬之交害乃更甚近鄉與行者並苦之吾

年友善甫趙子每以爲憂爰是集鄉之耆老若士庶謀集
改遷乃毅然爲已任爲衆善倡於堡之西南募馬汝山趙
永祚曹耀等地而興建焉歲七稔成殿宇若干楹造佛菩
薩若干像延僧諷誦鐘鼓聲聞丹霞在望屹然爲吾邑巨
刹而且行者居者免於劫掠之害衆悉舉手加額曰趙公
之爲此勞費也於以庇我人而非私也謀壽之石徵言於
余爰爲之記

延祥寺在縣南新寨村

圓祥寺在縣南馬遂店

明張學顏重修圓祥寺水陸殿記圓祥寺在曲周縣境其創始未詳厥時

寺故有水陸殿風雨蒼苔薛丹碧彫剝鴿窠處耽紛攘人天
簷拱內跡相結也寺比丘與儒等桐焉居恒惻惻自念夢
寤東都白馬啓宇六朝遺令承欣同太歸鸞相望於兩河
大江南北迦維王子剎幾覆中土半也區區茲殿不過週
魏之墟一精舍耳大雄氏豈有賴焉顧吾業已披緇髡願
日把辦香令着無處曾不能遣一覺者竭屢瓦礫而掃除
之謂住持何遂跣步持疏遍歷諸軍官居士長者優婆塞
優婆夷之閑而募焉歸則又諷唄肉髻前琅琅至丙夜不

廣平府志

卷九

三

五

少休意寶樹低枝祥河輟流神通豈歷阿僧祇劫遠已庶冥相而物力集乎居無何遠近與如金錢明護都匠徒屬不速磨借瓦者看者納鑿者薪裡春鋤者增而丹甍者登登憑憑庶用丕作始於萬曆乙酉孟蘭盆月故事次歲之洛佛時丹青赫煥龍象團繞看闍窟山憫悅飛來紫雲世界也是役也清陽郭侯實司牛耳蓋侯家食時下惟淨土歲幾七更與儒等有坡公參寥之雅以是乃倡居士龐瑄龐哲唐栢常選龐一棟爲奔走鳩庀積用始隆隆起儒僧得弛負擔人人咸謂餅粟寸縞數銀圓皆儒之肅伏所得而紀綱維係其間無有幾微舛快非郝君不能及此太史公有曰非附青雲之士烏龍聲施後世哉蘭陵令曰假輿馬者非絕足也而致千里假舟楫者非利涉也而絕江河儒之於郝君幾是夫或又時向不佞言自二莊夜明金粟來儀馬鳴龍樹黃梅曹溪楊起並盛衆教之力幾擬晉蓮按而北面焉乃郝君此舉不啻尸祝其說云何余曰唯唯否否不然也世衰人多區舊就使曾史實行言卜陳說香徹耳聾或不能醒憤憤及聽沉淪鬼獄之說觀土偶變狀貌雖大獨元惡屠伯淫姬亦且五體投地涕洟祈哀急欲舉生平冠尤一朝盡統也幾希良心頓爾來復可偕之道矣郝君意者其在斯乎諒繼效王珣周顒輩所爲也特

萬曆二十
三年三月

寶豐寺在縣北水下疇村

北戈寺在縣西淦陽集

段竹寺在縣南五十里塚上

彌陀寺在縣北十里疇

釋迦寺在縣南東陽固村

普恩寺在縣北侯村集

臨河寺在縣東寺頭村

鐵佛寺在縣北倪兒莊

崇教寺在縣北孝固村

黃平寺志

卷七

寺觀

七

廣平府志

卷九

六

興國寺在縣東南高胡寨

十方院在縣東一里

廣濟菴在縣東南魏家灣

東嶽廟在東關外

玉皇廟在城西南隅

真武廟在北門外

碧霞元君廟在東關外

肥鄉縣

文殊寺在縣治西南元泰定中建

清平寺在縣西西馬固村